

Sunday, March 29, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

**REGIONAL NEWS BULLETIN
(MIDDAY)**



OIL

Chief Secretary Pu Khili Ram Meena chuan mipuite chu Gas leh tuialhthei sem chungchanga harsatna tawk leh man to zawka hralh chingte sawrkar hotute hnenah thlen turin a hriattir.

Chief Secretary chuan Sawrkar laipuia Ministry of Petroleum & Natural Gas kaltlanga ram chhung hmun hrang hranga Gas leh tuialhthei lakluh bakah sem chhuah dan, uluk takin a thlithlai reng a ti a. Sawrkar laipui chuan State Sawrkar tin hnenah nitin ei leh bar mamawh tlachham an awm loh na'n khauh taka vil reng turin thupek a chhuah bawk a ni.

Pu Khili Ram Meena chuan sawrkar laipuiin mipuimamawh lakluh leh sem chhuah dan uluk takin a vil reng thu leh mipuite mamawh tam tawk tak a awm tih sawiin chiaina chhan tur a awm lo tih a sawi district bawrhsapte chu Gas leh Tuialhthei dahthat awm zat leh sem chhuah dan uluk taka vil a, chhek ruk, man to zawka hralh leh kawng dik lova lak pen a nih loh na'na hma la tur a hrih in, District hotute chuan dan bawhchhia an awm a nih chuan Essential Commodities Act, 1955 hmangin an lakah hremna khauh taka dan lekkawh turin a hrih a ni.

He tih lai hian district bawrhsap thupek bawhchhia a Myanmar lama hralh tur ni a hriat petrol litre 1,600 leh diesel litre 400, Barrel pawla dah chu Lunglei district Police-te'n nimin khan AOC Venga Mizofed Filling Station atangin an man a. Petrol hi lilam zui nghal a ni.



HAILSTORM

Nimin chawhnu lam dar 2 leh dar 3 inkar khan ruah sur leh rial tla avangin Lawngtlai District chhung, Sangau RD Block huamchhunga Thaltlang khua ah in 13 luahzui tlak lohina ti chhia a, indang 28 pawh a tichhe nual.

Kumdangah pawh tun ang hun hi Sangau leh a chhehvel ten ruah lehrRial vanga harsatna an tawh fo hun a ni a. Nimin a ruah leh rial thawk hian a bikin Phawngpuitlang bula awm Thaltlang chu a nuai nasa zual ani. Lawngtlai DM&R hnathawkte hnen atanga thudawn danin in 13 chu luah zui tlak loh khawpin rial hian a deng chhia a, in dang 28 pawh engtin tin emaw silpoulin nen tangkawpin luah zui nawk nawk theih tur a ngaih a ni. Vawiin khan Lawngtlai district bawrsap Pu Donny Lalruatsanga'n mamawh hmasa a hman atan silpouline engemawzat Thaltlang khua-ah hian thawnin, in chhiate chu kimchang zawka zir chian an nih hnu-ah chhawmdawlna awm thei ang angte ngaihtuah a nih tur thu bawrsap chuan a sawi.

Lai Autonomous Distrcit Council a Chief Executive Member Pu C. Lalsawmzuala chuan rial vanga harsatna tawkte a tawrhpuu thu sawiin, LADC Sorkar chuan a hmunah thil awmdan enfiah turin DM&R Officer a tirh thu leh, chhawmdawlna awm thei angte ngaihtuah anih tur thu a sawi. Thaltlang hi in 110 awmna khua a ni.



CHICKEN

Champhai District Khuangleng khaw daia Pu John Lalrinchhana ar vulhna, Steven Poultry Farming hmuna a ar vulh lai, White Leghorn 811 vel chu Zirtawpni zan khan Ui-in an seh hlum sak a, ar dang 150 leh Ar note 37 bawr vel chin hriat lohin an awm bawk.

He thil thlen hun hi Zirtawpni zan dar 9 leh nimin Inrinni zing dar 8:00 inkar vel a ngaih a ni a. Pu John Lalrinchhana-a te hian an farm-ah hian Pathianni atanga Ningani zan thleng an naute an riah tir thin a, 7th Day adventist kohhran an nih avangin Zirtawpni zanah an khaw lamah an haw san thin ani. Nimin zing dar 8:20 vel khan Pu John Lalrinchhana-a te nau ar chaw pe tura kal chuan Ar in a an luhin an arte chu an lo thi teuh tih a hmu a, an thlam piahah Ui pathum a hmu bawk a ni. Zan dangah hnathawk leh Ar enkawltute an riah reng thin lai a, an riah loh zana he tianga ui-in an rawn beih thut dan hi a chhan leh vang hriat a ni lo ani.

Ar in-a lut ui pathum-te hi Buang khua a mi pakhat ta nia hriat a ni a. Ui neitute hian Zirtawpni zan dar 7:00 vel khan an ui hi Buangah an la awm thu an sawi a, uite hian zanah Buang atanga km 9 vela hla a he ar vulhna hmun hi pan vang vang in arte chu an sehhlum ta ni a rin a ni.

Nimin khan Champhai Police ten a hmunah kalchilhin thil awmdan an enfiah a, vawiinah ar farm neitu Pu John Lalrinchhana leh ui neitu, Buang khaw mite hi Champhai Police Station ah kovin thil thlen dan te leh a bawhzui dan tur an sawiho dawn a ni.



SUNFLOWER

Nimin khan Serchhip Zawlpui Agro Farmers Producers Company Ltd. In Serchhip Zawlpui a Sunflower chinna hmun an tlawh.

Nihawi chinna hmun tlawhnaah hian Guwahati atangin APRINS hotute Papori Chutia, Project Co-ordinator leh Udipta Buragohain, Zonal Co-ordinator ten an telpui ani. Serchhip Zawlpui leilet awmna hmunah hian kumtin July thla velah buh phunin November thla velah Buh an seng leh thin a, chumi hnu ah chuan lui tui te a lo kang tawh thin avangin leilet tam tak chu thlai chin hleih theih a ni tawh thin lova. Kuminah erawh chuan Agriculture Department hmalakna-in tui mamawh tam lo chi Sunflower hi leilet neitu tam takin an ching a, tunah hian a par mawi lai tak a ni.

Sunflower par hi a mawi avangin a par mawi tak thla lakpui tumin mi tam tak Zawlpuih hian an kal mek a. Sunflower hi December thla tirah an ching tan tlangpui a, May thla hi a seng hun niin an seng hunah a par atanga a rah/chi insiam (Nihawichi kan tih mai thin) chu an her anga, ei theih chi hriak/tel (edible oil) a lo chhuak anga, chu hriak chu a tha in a to em em a, litre khat Rs. 350 man te a ni hial thin a ni.



MANN KI BAAT

Prime Minister Narendra Modi-a'n West Asia boruak chu enghelhawm a tih thu sawiin petrol leh diesel-ah ram hrang hrangin harsatna an tawk chho mek a ni, a ti.

Vawiin Akashvani-a Mann Ki Baat hun a hmanna-ah he thu hi sawiin buaina thlenna bial chu India energy mamawh lak luhna ber anih avangin hun khirh tak a thleng mek a ni, a ti a, India-in thiantha ram tam tak a neih avang leh sorkarin kum 10 kalta chhunga chakna thahrui hrang hrang a lo din azarah India chuan heng harsatnate hi hlawhtling takin a hmachhawn thei zel a ni, a ti bawk.

